

意城仁弟親家閣下。久未得

曾國藩日記

清·曾國藩／著
下冊

解圍當謀派人回援耳。前步戈什

珍至浙江。頃於十二日回接。接部往西

信。并西作。方待詳。墓志。亦照抄。專

呈。又因舊。作孫太公墓表。一首。勿言序

一首。附呈。祈

可。公。以。半。時。極。以。半。刻。壽

吾于近人，独服曾文正

吾于近人，独服曾文正

台。如。是。不。可。毛。澤。東



宗教文化出版社



格物致知 誠意正心

曾國藩日記

曾國藩

修身齊家治國平天下

宗教文化出版社

日記

下冊

目 录

同治六年

正月	1
二月	10
三月	22
四月	32
五月	43
六月	54
七月	64
八月	73
九月	83
十月	93
十一月	104
十二月	114

同治七年

正月	125
二月	134
三月	144
四月	153

闰四月·····	163
五月·····	174
六月·····	184
七月·····	194
八月·····	204
九月·····	215
十月·····	225
十一月·····	235
十二月·····	246

同治八年

正月·····	261
二月·····	274
三月·····	285
四月·····	295
五月·····	305
六月·····	315
七月·····	324
八月·····	333
九月·····	342
十月·····	351
十一月·····	359
十二月·····	369

同治九年

正月·····	379
---------	-----

二月.....	388
三月.....	397
四月.....	406
五月.....	415
六月.....	423
七月.....	431
八月.....	439
九月.....	448
十月.....	458
闰十月.....	468
十一月.....	477
十二月.....	486

同治十年

正月.....	495
二月.....	503
三月.....	511
四月.....	520
五月.....	529
六月.....	537
七月.....	545
八月.....	555
九月.....	567
十月.....	579
十一月.....	592
十二月.....	600

同治十一年

正月.....	611
二月.....	619

同治六年

正 月

初一日 （秦兵几于全军覆没）

五更三点起，率僚属拜牌，黎明礼毕。文武来贺，见客二十馀次，辰初毕。早饭后试笔，清理文件。至幕府贺喜。围棋一局，又观人一局。写楷书一百字，又作墓碑，至二更毕，约六百字，共千二百馀字。中饭，请幕友两席。未刻阅本日文件，见秦兵于十二月十八日大败，几于全军覆没，贼势日盛，深恐其渡河窜晋，震惊京师。申刻，写零字颇多。二更后，不复治事。三点睡，五更醒。两日内作文甚觉艰难，而本夜尚能成寐，较之昔年每作诗文彻夜不寐者，犹觉稍胜。

附记

书箱样 挽幛银寄任尊叔 科九侄贺礼

初二日 （作文写字均以神完气足为最难）

早饭后清理文件。见客，坐见者一次，立见者一次。围棋二局。出门拜年，午初归。阅《乡射礼》，至未正止。中饭后阅本日文件。未正，写沅弟信，约六百字。申正，写对联三付、挽幛一付，将寄家中挽任尊叔者。与幕府一谈。傍夕，小睡。夜，核批

札各稿。未申之間，坐見之客四次。二更后溫韓文志銘，悟作文寫字二者均以神完氣足為最難。疲倦殊甚。三點睡，尚能成寐。

初三日 （背誦《詩經》二十篇）

早飯后清理文件。圍棋一局，又觀人一局。寫少泉信一件，閱《鄉射禮》。見客，坐見者二次。中飯后至幕府一談。閱本日文件。坐見之客一次。寫對聯九付、橫披二幅，約二百字。至幕府一談。小睡片稿〔刻〕。夜核批札信稿甚多。二更后，背誦《詩經》二十餘篇。三點睡，三更成寐，五更醒。

初四日

早飯后清理文件。圍棋二局。閱《鄉射禮》，因心中雜事甚多，看書全不能入。寫澄弟信一封，料理專人回家之件。中飯后閱本日文件。與幕府久談。寫對聯九付。新作書架八個，指示木匠一切瑣事。傍夕小睡。夜核批札各稿頗多。二更后溫蘇詩七律。三點睡，四更四點醒，旋又小成寐。

附記

愚公寨舉人李長仁，周口東北隅。十二月廿二夜，勛左營百餘人晔言賊至。

初五日

早飯后清理文件。圍棋一局，又觀人一局。見客，坐見者五次，立見者二次。收檢各件，明日啟行赴餘，有須親為料理者。中飯后，坐見之客一次，立見者一次。閱本日文件。與幕府久談，旋又清檢各件。寫高麗紙橫幅一件，約百六十字。夜，略核各稿。溫《古文·氣勢之屬》。二更三點睡。天氣严寒，又因傍夕微雪，頗以行路為慮。

初六日 （自周口起行赴徐州）

早饭后自周口起行，天气阴寒作雪，行四十五里至李家集打茶尖。又行十八里至陈州府城，未正到。见客，坐见者一次，立见者二次。中饭后，至城外太昊伏羲陵庙。傍夕，清理文件。在輿中阅《乡射礼》。灯下，将张皋文之图一为核对。眼蒙，不耐细看。二更后，路朝霖来见，久谈。路大令璜之子，号访岩，年廿三岁，聪明异常，送余五排五十韵，英器也。三点睡，尚能成寐，五更二点醒。

初七日 （刘霞仙被革职）

早饭后，自陈州起行，行廿五里至临蔡城打尖。见客，坐见者一次。又行十馀里，天气微雪，道涂泥泞，因改而坐车，行十五里至安平寨住宿。共行八十里，路甚蛮，实不啻九十里。是处属鹿邑管。鹿邑杨令来见，一谈。清理文件。中顿无大米饭，即以饼为饭，近亦颇惯食饼矣。习字一纸，阅本日文件。夜阅《乡射礼》，将本日在輿中所阅之《乡射》批点一过，《燕礼》则未点。二更三点睡，不甚成寐。是日，接奉廷寄，因十二月十八日秦兵之败，霞仙革职。业经告病开缺之员，留办军务，致有此厄，宦途风波，真难测矣，然得回籍安处，脱然无累，犹为乱世居大位者不幸中之幸。

初八日

早饭后，自安平寨起行。天气放晴，路仍泥泞难行。行四十里至柘城县中饭。县令余锦淮，号妙泉，广东人，辛丑进士。公馆有一联云：“江左依然怀谢傅，淮西从此识裴公。”即该令所作也。又行三十里至扶湘城住宿，共七十里，实不啻八十矣。见客，

坐见者二次。清理文件。与幕府一谈。在與将《燕礼》阅毕，阅《大射礼》十叶。夜，围棋二局，阅批稿数件。二更后写零字甚多。三点睡，五更醒。

初九日 （自扶湘城起行至麻姑堆打尖）

早饭后清理文件。自扶湘城起行，行三十里至麻姑堆打尖。旋又行三十里，未刻至归德府住宿。在與中阅《大射仪》，又阅公牍五十餘件。中饭后，与幕府久谈，围棋二局。傍夕小睡。风雨严寒，天气愁惨。夜，又阅公牍二十餘件，将《燕礼》过笔数叶。二更后，眼蒙殊甚，不能治事。三点睡，五更醒。

附记

陈州府刘拱宸，号伯璠。己亥甲辰。江西新昌。

袁绳武，号镜堂。捐班。直隶。

归德府王祺海，号观亭。癸卯甲辰。山东诸城。

淮宁县路璜，号渔宾。壬辰乙巳。贵州。

鹿邑县杨维宗，号雪峰。广东。

商邱县孙嘉臻，号芑堂。其父在商邱殉难。世袭云骑尉。闽县。

栲城县余锦淮，号妙泉。壬辰辛丑。宛平，原籍山阴。

初十日

因昨夜雨雪，本日早间雪未断，遂小住一日未行。早饭后清理文件。见客，坐见者一次。围棋二局。核批札稿数件。将《燕礼》批点，中饭后又批，灯后方批毕。未刻，至幕府久谈。阅本日文件。写沅弟信一封，约四百餘字。二更后，眼蒙，不复能治事。三点睡，四更四点醒，旋又小成寐。天气奇冷，为去冬所未

有。

十一日 （至虞城县闻喊冤之辞）

早饭后，自归德起程，雨雪纷纷。坐车行五十里。至王集寨小坐。旋又行二十里至虞城县住宿，未正即到，小车及挑子等则到甚迟。在车不能看小字书，将《古文·气势之属》阅一过。清理文件。申正，虞城县令胡叔珊在庭中嚷闹，有喊冤之辞。询之，则谓戈什哈贺献臣撕其衣服。问其仆，则云：“尚未撕，但执其衣耳。”遍问巡捕等，皆云：“贺献臣开酒席单，语言不顺，将单撕碎，而无撕衣之事。”余以初七日车夫投诉被贺献臣所打，两次皆戈什哈不应管之事，遂行棍责革去。夜阅《大射仪》，又阅《古文·辞赋类》，又阅本日文件，核批札稿数件。二更三点睡，三更后成寐，严寒异常。

十二日

早饭后，自虞城起行。因道涂泥泞，仅行三十五里，即在大阳集住宿。路蛮，亦近四十里矣。清理文件，写沅弟信一件。中饭后，与客围棋二局。是日，在舆中将《大射仪》阅毕，申刻批点数叶。各幕友来，久谈。夜又批点数叶。二更后，眼蒙殊甚，不复治事。是日，早饭后呕吐，旧有此疾，近久不发，竟日胸膈作恶。三点睡，五更醒。

十三日 （殍山饥民竞夹道乞食）

早饭后，自大阳集起行，至小阳集二十里，小坐。旋又行三十五里，至殍山县住宿，未初到。清理文件。见客，坐见者一次，立见者二次。中饭后围棋二局，与幕友久谈。是日，在舆中阅《古文·辞赋类》。夜，将《大射仪》批点数叶。胸膈间尚作恶，是

以本日吃饭较往日略少。砀山去年水灾，居民穷苦异常，饥饿老幼夹道乞食。有一僧名明亮者，募化施主，养饥民一百一十七名。因每人给钱一百，以答该僧之意，又另发钱十五千，分给各难民，盖杯水车薪耳。二更三点睡，屡醒，尚能成寐。

十四日

早饭后，自砀山县起行，行四十五里，至唐家寨打尖。尖后，又行四十五里，至郝家集住宿。名为九十里，实不啻百里矣。署萧县令周力城来见，又立见之客二次。少时曾读《子虚》、《上林赋》，未甚成诵，年来好看汉赋，亦未熟读。是日，在舆中戏将《子虚赋》细读，居然能背诵四遍。酉刻，始到止宿之处。夜，清理文件后，又读《上林赋》一段。二更三点睡，三更后成寐，屡醒。

十五日 （在舆中读《上林赋》，略能成诵）

早饭后，自郝家集行三十里，至郝家寨打尖。徐州道李眉生及郅守高令等在此迎接，与之久谈。又行二十里至王家闸，李少泉官保在此，丁雨生、陈心泉等司道均在此迎候，坐谈少顷。又行二十里，申正至徐州府城，仍住考棚之内。见客，坐见者二次，立见者数次。中饭后，少泉来坐甚久，二更始去。清理文件。是日，在舆中读《上林赋》千馀字，略能成诵。少时所深以为难者，老年乃颇能之，非聪时进于昔时，乃由稍知其节奏气势与用意之所在，故略记之。然衰年读书，不数月亦必忘矣。二更三点睡，三更梦魇，旋又成寐，五更醒。

十六日

早饭后见客，立见者九次，坐见者四次，谈均颇久。摺差自

京回，阅邸报、京信等。巳正，至云龙山拜少泉，久谈，便饭，未正归。又阅京信各件。与幕府久谈。坐见之客一次，立见者一次。阅本日文件。夜，将《上林赋》温习。因日间说话太多，疲乏殊甚。二更后，眉生来谈良久。四点睡，不甚成寐。

十七日 （伤痛锡嵘在西安阵亡）

早饭后清理文件。见客，立见者五次，坐见者五次。围棋二局。出门拜客多家，均未拜会。归，又坐见之客一次，立见者一次。中饭后，与幕府一谈。阅本日文件，写纪泽信一件。见客三次。将《上林赋》读毕。傍夕小睡。夜核批札各稿。二更温《古文·辞赋类》。阅禀报，张敬堂编修锡嵘于初六日在西安阵亡，痛伤之至！四点睡，不甚成寐。

十八日

早饭后，李少帅来久坐，午刻始去。清理文件。又坐见之客三次。中饭后，坐见之客二次。围棋二局。阅本日文件，核批札各稿。与幕友久谈。傍夕小睡。是日，出题三个：一题作小讲，一题作提比，一题作一段，令纪鸿儿与叶亭为之。夜，略加批改。二更三点睡，尚能成寐，五更二点醒，近日无此美睡。

十九日 （少泉谆劝余回金陵久任江督）

早起。饭后清理文件。见客二次。围棋二局。巳刻，李少帅处送来江督及钦差关防二颗、盐政印信一颗，行拜阙拜印各礼。文武僚属来贺，坐见者二次，立见者十馀次。潘琴轩来，谈甚久。中饭后阅本日文件。又坐见之客二次。申初，少泉来久坐，灯后始去，谆劝余回金陵久任江督，言皆准情酌理。夜核批札信稿。二更后，核奏稿一件。三点睡，尚能成寐。

廿日

早饭后清理文件。见客，坐见者二次，立见者一次，丁雨生谈甚久。围棋二局。午刻出门，至少泉处，贺渠得湖广总督之喜，未刻归。中饭后见客，坐见者三次，立见者三次。阅本日文件。是日巳刻，改片稿一件。傍晚，与幕友长谈。夜核改片稿三件，核批札各稿、信稿多件。与少泉通信二次。二更三点睡，四更醒。

廿一日

早饭后清理文件。见客，立见者一次，坐见者三次。围棋二局。李眉生来久坐，午正始去。中饭后，坐见之客二次，谈颇久。阅本日文件，核各科稿件，未毕。与幕府久谈。傍晚小睡。夜，再核各科稿件。二更后，温《汉书》《邹阳传》、《苏武传》、《子虚》、《上林》二赋。三点睡，四更未醒。

廿二日

早饭后清理文件。见客，坐见者三次，立见者三次。围棋二局。写沅弟信一件，阅《大射仪》，批点五叶。中饭后，至幕府一谈。见客，坐见者二次，立见者一次，丁雨生谈甚久。阅本日文件。又与幕友久谈。夜核批札各稿，核信稿甚多。二更后温《古文·识度之属》，朗诵数首。二更三点睡，三更二点成寐，五更二点醒。

廿三日 （略教纪鸿及叶甥作文之法）

早饭后，清理文件。见客，坐见者一次，立见者一次。围棋二局。巳初，少泉来久谈，因便饭，申刻乃去。阅本日文件。与幕府密谈。核批札各稿，写祭幢二付。傍晚小睡。夜核信稿。二更后，略教纪鸿及叶甥作文之法。接奉部文，李小泉授江苏巡抚

而暂署楚督、刘韞斋授湖南巡抚、丁雨生授江苏藩司。从此诸事可以顺手，而沅弟亦得安其位，为之喜慰。二更四点睡，四更二点醒，五更微得假寐。

廿四日 （是日神乏，诵诗气弱不能成声）

早饭后清理文件。见客，坐见者一次，立见者一次。围棋二局。出门至少泉、雨生两处一谈，未初归。中饭后见客，坐见者二次，立见者一次。阅本日文件，批纪鸿、叶甥之文，倦甚，不能改一字。是日说话较多，舌端蹇滞，精神困乏。与幕客谈二次。傍晚小睡。夜核科房各稿。二更后，温诵韩诗，气弱不能成声矣。三点睡，尚能成寐，五更醒。

廿五日 （闻纪鸿喉病又发，颇以为虑）

早饭后见客，坐见者一次，立见者一次。清理文件。围棋二局，尚斋又来一谈。又坐见之客一次。阅邸报，见官相处分，仅不作楚督而已。公道全泯，亦殊可惧。阅《大射仪》。中饭后，与幕友一谈。阅本日文件。剃头一次。核科房批稿。傍晚，与幕中久谈。夜核改各信稿。二更后温杜、韩七古。闻纪鸿喉病又发，颇以为虑。三点睡，五更醒。

廿六日

早饭后清理文件。围棋二局。见客，坐见者二次。少泉来坐甚久。又坐见之客一次。中饭后，阅本日文件，写霞仙信一件、沅弟信一件，共七百馀字。见客，坐见者一次，立见者一次。傍晚，与吴挚甫久谈。夜改片稿二件，改信稿三件，核科房批札稿多件。二更后，温杜、韩七古。疲乏殊甚。洗澡下身。四点睡，五更醒。

廿七日

早饭后清理文件。见客，坐见者二次，立见者二次。围棋二局。又立见之客一次，坐见者一次。阅《大射仪》六叶。中饭后，清理文件。见客，坐见者二次。与幕府久谈。体中甚觉不适，不能治事。写祭幛二幅、对联数付。夜核批札各稿，二更后温杜诗五律。三点睡，三更后成寐。

廿八日

早饭后清理文件。见客，坐见者一次，立见者一次。围棋二局。丁雨生来久坐。阅《大射仪》。午正，请少泉便饭，申正始散，阅本日文件，灯初始毕。与幕府一谈。核批札各稿，习字一纸。写小信二次与少泉。二更后，又核公牍。三点睡，四更末醒，旋又微成寐。

廿九日 （心中郁郁，常思解去要职，以免疑谤）

早饭后清理文件。见客，坐见者四次。围棋二局。将《大射仪》阅毕，又阅《聘礼》六叶，至未正毕。中饭后，阅本日文件甚多。丁雨生来谈甚久，与幕府一谈。核科房批札稿。傍夕小睡。夜，申夫自京回，与之久谈。二更后，核批稿信稿。四点睡，不甚成寐。心中郁郁，常思解去要职，以免疑谤。不觉梦魇，声粗非常，从人皆为惊起。自是竟夜不得安眠，殊自惭学养之未深耳。

二 月

初一日

早饭后清理文件。围棋三局。见客，坐见者二次，立见者二次。阅《聘礼》。午初，李宫保来久坐，便饭，申刻去。阅本日文

件。又坐见之客二次，立见者一次。又阅《聘礼》五叶。与幕友久谈。夜核批札各稿，二更后批叶甥文章，又核稿数件。三点睡，五更醒。

初二日

早饭后见客，坐见者一次，立见者二次。围棋二局。又见客，坐见者一次，立见者二次。出门至李宫保处送行，渠于明日赴豫也。归，午正见客二次，谈稍久。中饭后，又见客二次，李眉生谈甚久，阅本日文件。阅《聘礼》三叶。李宫保来久坐，凌筱南来一坐，又立见之客一次。傍夕，与幕府一谈。夜阅子密所为先人年谱，阅核批札各稿。二更后，疲倦殊甚。因本日说话太多。遂若衰颓不堪者，盖自此学问德业日见其退矣！三点睡，五更醒。

附记

- | | | |
|-------|--------|------|
| ○沈随李 | ○何随沉 | ○祝回直 |
| ○钟回齐 | 三司月摺月评 | 各局旬报 |
| ○胡、萧祠 | 二张请恤各片 | |

初三日 （至城外送少泉出师赴豫）

早饭后出门，至城外二里之段家庄送李少泉出师赴豫，已刻归。清理文件。围棋二局。见客，坐见者二次，立见者二次。写沅弟信一件。中饭后阅本日文件。见客，坐见者二次，立见者二次。阅《聘礼》二叶，核批札各稿。又坐见之客二次。傍夕小睡。夜核科房稿件，与幕友一谈。二更后，核信稿四件。三点睡，三更后成寐。

初四日 （与申夫、眉生谈最久）

早饭后清理文件。见客，坐见者三次。围棋二局。已初，申